



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XII
BROJ: 200
DATUM: 3.04.2015.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Nermin Fatkić, viši saradnik za finansijska pitanja
fax: + 387 33 552 810
nermin.fatkić@sogfbih.ba

Sadržaj biltena:

Održan sastanak Koordinacionog tijela za obuku	1
Cazin je otvorena i aktivna općina u koju su investitori dobrodošli	1
Općine Goražde i Rožaje jačaju institucionalnu saradnju	2
Održana 3. sjednica Komisije za međunarodne veze, saradnju i evropske integracije	3
Prezentiran projekat iz energetske efikasnosti u B.Petrovcu	3
U Sanskom Mostu novi projekti zaštite od poplava	4
Ustavni sud FBiH presudio u korist Općine Usora	4
Općine ne žele učestvovati u otplati duga MMF-u	5
Četiri projekta međuopćinske saradnje biće finansirano putem ILDP-a	8
Konačna lista odabranih općina u projektu "Energetska efikasnost u udruženjima općina"	8
INTERVJU: Avdija Kovačević, načelnik Općine Vareš	9
Najava obuke iz javno-privatnog partnerstva	11

Bilten Saveza općina i gradova Federacije Bosne i Hercegovine

ODRŽAN SASTANAK KOORDINACIONOG TIJELA ZA OBUKU JLS

U Kiseljaku je, 30. marta/ožujka održan 8. sastanak Koordinaciono tijelo za obuku u okviru sistema obuke za jedinice lokalne samouprave.

Na sjednici je bilo govora o aktivnostima u vezi sa izradom evaluacije primjene aktuelne strategije obuke i statusu procesa analize potreba za obukom čiji rezultati će pomoći pri izradi nove strategije obuke za period 2016. – 2020.

Tom prilikom doneseni su zaključci u vezi sa osiguranjem finansijske održivosti sistema obuke, imenovanjem tima koji će raditi na izradi novog strateškog okvira obuke za jedinice lokalne samouprave u FBiH.

Članove koordinacionog tijela čine predstavnici institucija sistema obuke (Federalnog ministarstva pravde, Agencije za državnu službu i Saveza općina i gradova FBiH) koji su imenovani Rješenjem Vlade Federacije BiH, a na osnovu Strategije obuke za jedinice lokalne samouprave u Federaciji Bosne i Hercegovine 2011-2015.

Zadatak Koordinacijskog tijela je iniciranje redovnih analiza potreba za obukom i usklađivanje prioriteta za obuku; iniciranje izrade i usaglašavanje cjelokupne strategije i planova obuke; nadzor nad realizacijom strategije i planova obuke; razmatranje i pokretanje inicijativa za unapređenje zakonskog okvira za obuku i stručno usavršavanje zaposlenih i izabranih zvaničnika u organima lokalne samouprave i sl.



CAZIN JE OTVORENA I AKTIVNA OPĆINA U KOJU SU INVESTITORI DOBRODOŠLI

23. mart/ožujak – Za Općinu Cazin, 2014. godina zbog svih nepogoda koje su zadesile našu zemlju bila je jedna teška i istovremeno, vrlo dinamična godina, ipak Općina je lani realizirala projekte u infrastrukturi vrijedne oko 3.000.000 KM i o tome svjedoče sasvim nove slike naselja i poboljšana kvaliteta života građana, izjavio je za Poslovni portal eKapija.ba načelnik Općine Cazin Nermin Ogrješević i dodao da je cijelo vrijeme osnovni cilj u njegovom radu postizanje jednakog razvoja općine i pružanje jednake šanse svima.

Rekao je da je pokrenut značajan projekat preuzimanja preostalih kapaciteta nekadašnje Tvornice kartona i ambalaže u Czinu za koji općina ima konkretne programe koji bi omogućili otvaranje novih potencijala u privrednoj i poljoprivrednoj proizvodnji.

Ocijenjeno je da protekli period u Czinu obilježava vrlo dobra radna atmosfera koja će sigurno biti nastavljena i u budućnosti.



Nermin Ogrješević, načelnik Općine Cazin



Grb Općine Cazin

Ogrešević je naveo da Općina Cazin ima oko 1.400 registriranih malih i srednjih preduzeća iz različitih branši i najveći broj registriranih poljoprivrednih gazdinstava u Federaciji odnosno njih više od 3.000.

"To je glavni potencijal razvoja naše općine, a gotovo sva naša ulaganja odnose se na privredni razvoj. Cazin je, prema svim pokazateljima, privredni i trgovački centar Unsko-sanskog kantona", kazao je općinski načelnik.

Prepoznatljiva sredina

Općina Cazin broji više od 70.000 stanovnika, a na nju je u privrednom i trgovačkom smislu oslonjeno još najmanje

250.000 preostalog stanovništva Unsko-sanskog kantona, kako kaže Ogrešević privredni kapaciteti su raznoliki i Općina ih nastoji na sve načine promovirati.

"Prije svega smo uredili sistem u lokalnoj samoupravi i olakšali sve procedure vezane za uspostavu i razvoj privrednih subjekata. Promijenili smo imidž Cazina i to je sada prepoznatljiva sredina u zemlji i regiji. Otvorena smo i aktivna općina u koju su investitori dobrodošli. Kao jedan od posebnih iskoraka, istaknuo bih više od 1.000.000 KM koje smo obezbjedili za rješavanje imovinsko-pravnih odnosa i uređenje infrastrukture poslovnih zona", kazao je cazinski načelnik.



Cazin, središte grada

Predviđene nove poslovne zone

Govoreći o poslovnim zonama, Ogrešević je rekao da su zvaničnim odlukama Općinskog vijeća za sada potvrđene dvije poslovne zone, ali je Prostornim planom općine predviđeno još nekoliko područja za razvoj poslovnih zona.

"Postojeće dvije zone, Ratkovac i Slatinske bare, zauzimaju površinu od oko 45 hektara i njihova namjena oslanja se na postojeće kapacitete i potencijale općine među kojima su metaloprerađivačka, drvna i tekstilna industrija. Zatim, proizvodnja medicinske opreme i građevinskog materijala te prehrambena industrija", objasnio je Ogrešević.

Nova radna mjesta apsolutno su u fokusu djelovanja Općine i značajnijim smanjenjem broja nezaposlenih, smatra Ogrešević, Cazin bi uistinu imao zaokruženu cjelinu kada je u pitanju kvalitet života na ovom području.

Podcrtao je da je Cazin u pogledu infrastrukture daleko ispred drugih sredina u BiH, te da Općina nastavlja sa daljim razvojem.

U 2015. godini Općina Cazin nastavit će rad na jačanju poslovnih zona i promocije potencijala s ciljem privlačenja investitora.

Načelnik Ogrešević dodaje da se u ovoj godini nastavljaju radovi na uspostavi centralnog kanalizacijskog sistema što je višemilionska investicija za koju je općina Cazin najveći dio sredstava obezbijedila kvalitetnim aplikacijama kod međunarodnih organizacija.

Svakodnevna komunikacija sa susjednim općinama

"S obzirom da je Cazin otvorena općina, to podrazumjeva dobru saradnju sa svima. Imamo dobru saradnju i sa susjednim općinama u Unsko-sanskom kantonu, ali i onima u Republici Hrvatskoj koje graniče s područjem općine Cazin. Ta saradnja ogleda se i u zajedničkim projektima i u svakodnevnoj komunikaciji i ona je na zavidnom nivou", zaključio je Ogrešević.

Preuzeto sa: eKapija.ba

KORISNI LINKOVI ZA PREDPRISTUPNE FONDove EU:

www.southeast-europe.net

www.adriaticipacbc.org

www.interregadriatico.it

www.europa.ba

www.cbib-eu.org

www.cbc-bih-mne.org

www.srb-bih.org

www.cbc-cro-bih.net

www.programmemed.eu

www.tacso.org

www.euroinfocentar.ba

www.balkanfund.org

www.eurelmed.com

www.eacea.ec.europa.eu



OPĆINE GORAŽDE I ROŽAJE JAČAJU INSTITUCIONALNU SARADNJU

Na poziv predstavnika Općine Rožaje delegacija Općine Goražde na čelu sa načelnikom dr.sci. Muhamedom Ramovićem boravila je u Rožaju, gdje je potpisan Sporazum o pokretanju postupka bratimljenja, koji će biti punovažan po odobravanju Skupštine Općine Rožaje i Općinskog vijeća Goražde, navodi se na web stranici Općine Goražde.

Riječ je o Sporazumu kojeg su jučer potpisali predsjednik Općine Rožaje Ejup Nurković i načelnik Općine Goražde dr.sci. Muhamed Ramović, a koji se odnosi na saradnju između općina Rožaje i Goražde, s ciljem institucionalizacije saradnje i pokazivanja posvećenosti razvojnim ciljevima od obostranog značaja.



Sa potpisivanja Sporazuma o saradnji

U sklopu saradnje posebna pažnja bit će posvećena saradnji na polju ekonomije, poljoprivrede, privrede, kulture, obrazovanja, sporta, kao i saradnja na zajedničkim projektima prema EU.

Načelnik Ramović u svom zvaničnom obraćanju istakao je zahvalnost svim humanim Rožajcima koji su zbrinuli hiljade izbjeglica iz Bosne i Hercegovine, posebno iz Goražda i Foče, tokom rata u Bosni i Hercegovini. Lokalna vlast u Goraždu radi na povezivanju privrednika, naglasio je Ramović, te istakao očekivanje da će se to desiti i u saradnji Goražda i Rožaja. Kada

su u pitanju zajednički projekti, načelnik Ramović očekuje da će se posebna pažnja posvetiti zajedničkim projektima koji će se uputiti prema europskim fondovima, te da će Goražde i Rožaje u budućnosti imati uspješnu saradnju.

Nakon obraćanja, upriličena je prezentacija Općine Goražde kojom su istaknute kompanije koje posluju u četiri industrijske zone u Goraždu.

U svom obraćanju prilikom potpisivanja Sporazuma, predsjednik Općine Rožaje Ejup Nurković je kazao da su ideje za ovaj korak došle nakon njegove prve službene posjete Sarajevu, kada se lično upoznao sa načelnikom Općine Goražde.

*U sklopu saradnje
posebna pažnja bit će
posvećena saradnji na
polju ekonomije,
poljoprivrede, privrede,
kulture, obrazovanja,
sporta, kao i saradnja na
zajedničkim projektima
prema EU.*

ODRŽANA TREĆA SJEDNICA KOMISIJE ZA MEĐUNARODNE VEZE, SARADNJU I EVROPSKE INTEGRACIJE

SARAJEVO, 2. april/travanj – Danas je u Sarajevu, u prostorijama Saveza općina i gradova Federacije Bosne i Hercegovine održana Treća sjednica Komisije za međunarodne veze, saradnju i evropske integracije.

Sjednici je prisustvovalo osam od deset članova Komisije, zatim direktorica Saveza, Vesna Travljanin i uposlenici Saveza Zlata Turkić i Amir Kupusija.

Komisija je upoznata sa nacrtom novog Strateškog plana Saveza za period 2015. – 2019. posebno u segmentu koji se odnosi na međunarodnu saradnju i evropske integracije.

Vođena je rasprava i o inicijativi Unije turskih gradova (TDBB) o saradnji sa Savezom općina i gradova FBiH, sa zaključkom da na sastanku sa predstavnicima ove unije treba razmotriti moguće oblike saradnje, nakon čega će Predsjedništvo Saveza donijeti konačnu odluku o saradnji i uključivanju Saveza u Uniju. Također, članovi Komisije su usvojili informacije o održavanju Generalne Skupštine NALAS-a, održanoj sesiji Kongresa lokalnih i regionalnih vlasti Vijeća Evrope, aktivnostima u radu CEMR-a – Vijeću evropskih općina i regija, Konferenciji Unije općina „Marmara“ i Udruženja poslovnih ljudi Balkansaid u Bursi, sastanku odbora Vijeća za regionalnu saradnju, najboljim praksama o uključivanju žena i mladih u lokalni život-GENiYOUTH, svjetskom samitu o klimatskim promjenama i saradnji sa ostalim međunarodnim organizacijama (UNDP, OSCE, GIZ ORF, TRANSPARENCY INTERNATIONAL BiH).



PREZENTIRAN PROJEKAT IZ ENERGETSKE EFIKASNOSTI U B.PETROVCU

BOSANSKI PETROVAC, 30. mart/ožujak – U Bosanskom Petrovcu će se implementirati 100 hiljada eura vrijedan projekt SEAP-a za energetske efikasnosti na utopljavanju zgrade Općine i zamjenu ulične rasvjete, a koji je danas prezentirala firma CETEOR tehnički asistent na implementiranju SEAP projekta.

Naime, Ministarstvo vanjske trgovine i ekonomskih odnosa BiH je krajem svibnja/maja 2013. godine objavilo javni poziv za izražavanje interesa od strane gradova ili općina koje su spremne na svojoj teritoriji održati aktivnosti ispitivanja modela održivog upravljanja i korištenja

energijskih resursa predviđenih projektom Alterenergy. Na osnovu javnog poziva izabrane su dvije zajednice, općina Bosanski Petrovac i općina Čajniče, koje su predmet studija energetske procjene i u kojima će se izraditi integrirani planovi energijske efikasnosti i definirati finansijski planovi za investiranje u projekte obnovljivih izvora i racionalnog korištenja energije.

Općina Bosanski Petrovac uključena je u Održivi energetski akcioni plan, tz. SEAP projekt, i dodijeljen joj je grant od 100 hiljada eura radi poboljšanja energetske efikasnosti.

"Ta sredstva će se utrošiti u okviru dva projekta, utoljavanje i racionalno korištenje energije u zgradi Općine Bosanski Petrovac, i energetska efikasnost u javnoj rasvjeti, zamjena postojećih svjetiljki koji

troše određene količine energije sa energetske efikasnijim svjetiljkama koje će generirati uštede u energiji, u novcu, i smanjenju emisiji CO₂", rekao je Nihad Harbaš, predstavnik firme CETEOR iz Sarajeva koja je tehnički asistent na Projektu. Nakon implementacija projekta prema studiji izvodljivosti, koja je urađena za projekt, Općina Bosanski Petrovac će imati uštedu troškovima energija od 20 do 30 hiljada maraka.

"Općina Bosanski Petrovac je prepoznata kao ozbiljan partner za implementaciju brojnih projekata iz Evropske unije, pa smo dobili učešće i u ovom projektu SEAP-a, ili Održivi energetski akcioni plan. Donacija od 100 hiljada eura koja će se realizirati je u rangu naše godišnje stavke u budžetu za javnu rasvjetu. Moj je cilj da građani imaju javnu rasvjetu", rekao je Zlatko Hujić, načelnik Općine Bosanski Petrovac.

Akcioni plan se fokusira na postavljanje dugoročnih energetskih sistema unutar općina te daje mjerljive ciljeve i rezultate vezane uz smanjenje potrošnje energije i emisija CO₂. (www.ekapija.ba)



Sa prezentacije projekta

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelsmed.com
www.eacea.ec.europa.eu

U SANSKOM MOSTU NOVI PROJEKTI ZAŠTITE OD POPLAVA



Sa sastanka načelnika Avdagića sa delegacijom
Agencije

Načelnik Općine Sanski Most Mustafa Avdagić sastao se 30. marta/ožujka sa delegacijom Agencije za vodno područje rijeke Save, koju je predvodio direktor Sead Delić. Tokom sastanka analizirana je dosadašnja međusobna saradnja, a bilo je riječi i o planovima za naredni period vezano za projekte, s ciljem zaštite od poplava.

Agencija trenutno na području te općine implementira dva projekta prevencije od poplava. Radi se o čišćenju i sanaciji korita rijeke Sane na području naselja Tomina, te između gradskog mosta i mosta u naselju Alagića Polje, gdje bi radovi trebali početi u aprilu.

Dogovorena je saradnja i na implementaciji do sada najvećeg projekta zaštite od poplava u novijoj historiji Sanskog Mosta, a tiče se regulacije vodotoka, putem čišćenje i produbljivanje korita rijeke Sane na potezu od mosta u Alagića Polju uzvodno do ušća rijeke Dabar.

Općina je preuzela obavezu izrade projektne dokumentacije, a infrastrukturni radovi trebali bi se finansirati iz sredstava Njemačke razvojne banke KfW, dok će u implementaciji učestvovati, pored Općine i Agencije za vodno područje rijeke Save i Federalno ministarstvo poljoprivrede, vodoprivrede i šumarstva.

USTAVNI SUD FBiH PRESUDIO U KORIST OPĆINE USORA

Ustavni sud Federacije Bosne i Hercegovine, odlučujući o zahtjevu načelnika Općine Usora za zaštitu prava na lokalnu samoupravu u svezi Zakona o osnovnoj školi i Zakona o srednjoj školi, na temelju članka IV.C.10.(3) Ustava Federacije Bosne i Hercegovine u svezi s Amandmanom XCVI na Ustav Federacije Bosne i Hercegovine, nakon sjednice Suda bez javne rasprave, održane 24.02.2015. godine, donio je presudu kojom se utvrđuje da je Zeničko-dobojski kanton povrijedio prava Općine Usora na lokalnu samoupravu, jer nije prenio ovlaštenja u svezi sa osnovnim i srednjim obrazovanjem na ovu općinu.

Zeničko-dobojski kanton je dužan da u roku tri mjeseca od dana objavljivanja ove presude prenese ovlasti u svezi s osnovnim i srednjim obrazovanjem na Općinu Usora. Presuda Ustavnog suda FBiH dostupna je na web stranici Općine Usora: http://www.usora.com/images/PDF_dokumenti/presuda_ustavni%20sud%20fbih_obrazovanje%2024022015.pdf





OPĆINE NE ŽELE UČESTVOVATI U OTPLATI DUGA MMF-U

BUSINESSPOROBI

Općine ne žele učestvovati u otplati duga MMF-u

Savez općina i gradova FBiH pokrenuo je aktivnosti protiv federalnih institucija kojim želi postići izuzeće jedinica lokalne samouprave od otplate duga MMF-u, jer u njegovom trošenju ne učestvuju, niti ga koriste. Problem je što otplata vanjskog duga počinje i prije nego što sredstva budu doznačena u budžet Federacije BiH, tako da općine vraćaju onaj dio duga koji nisu ni dobile. SOGFBiH potražuje više od 18 miliona KM samo iz 2013. godine.

Piše Emina Alihodžić Šojko



Svaka godinu novi koeficijenti za općine, kaže Travljanin

Savez općina i gradova FBiH (SOGFBiH) nedavno je pokrenuo aktivnosti kako bi zaustavio nepravdu koja posljednjih godina prolazi nezapaženo, a štetu plaćaju jedinice lokalne samouprave. Naime, zadužuje se ponato zaduživanje FBiH kod Međunarodnog monetarnog fonda kojim se popunjavaju budžetske rupe, što je posljedica neupravljanja i nerealnog upravljanja sredstvima. Ono što Savez želi postići pokrenutim postupkom jeste izuzeće općina od otplate federalnog duga MMF-u jer u njegovom trošenju ne učestvuju, niti ga koriste. Savez je opomenu pred tužbu kojim se skreće pažnja na problem uputio Marinku Čavari, predsjedniku Federacije BiH, Nerminu Nikšiću, premijeru Federacije BiH te Anti Krajini, federalnom ministru finansija. Ta tužba odnosi se samo na dugove iz 2013. godine i njom se zahtijeva rješavanje problema na odgovarajući način.

Prihodi se raspoređuju po posebnoj formuli, tako da Federaciji BiH pripada iznos od 36,2 posto, kantonima 51,48 posto, općinama 8,42 posto i Direkciji za ceste 3,9 posto. U razvijenim zemljama npr. Švedskoj potpuno je obrnuta situacija, najveći iznos dobijaju općine.

Stand by aranžman između Bosne i Hercegovine i Međunarodnog monetarnog fonda. Savez po opomeni pred tužbu potražuje iznos od 18.202.182,00 KM tj. dio udjela općina u javnim prihodima FBiH samo za 2013. godinu za koji su oštećene.

nerealnog upravljanja sredstvima. Ono što Savez želi postići pokrenutim postupkom jeste izuzeće općina od otplate federalnog duga MMF-u jer u njegovom trošenju ne učestvuju, niti ga koriste. Savez je opomenu pred tužbu kojim se skreće pažnja na problem uputio Marinku Čavari, predsjedniku Federacije BiH, Nerminu Nikšiću, premijeru Federacije BiH te Anti Krajini, federalnom ministru finansija. Ta tužba odnosi se samo na dugove iz 2013. godine i njom se zahtijeva rješavanje problema na odgovarajući način.

„Problemi oko otplate duga MMF-u počeli su još 2010. godine, tačnije onda kada je zaključen Stand by aranžman između Bosne i Hercegovine i Međunarodnog monetarnog fonda. Savez po opomeni pred tužbu potražuje iznos od 18.202.182,00 KM tj. dio udjela općina u javnim prihodima FBiH samo za 2013. godinu za koji su oštećene. Ukoliko ne dođe do pozitivnog odgovora, Savez će tužiti Vladu Federacije BiH i za ostale godine te će iznos biti puno veći“, u izjavi za Business magazin kaže Vesna Travljanin, direktorica Saveza općina i gradova FBiH.

Raspodjela sredstava

Savez na ovaj način želi postići pravednu i pravovremenu raspodjelu novca koji im pripada, te ne žele plaćati dugove u kojima nisu učestvovali. U 2010. godini Savez je pokrenuo inicijativu prema Federalnom ministarstvu finansija za donošenje Zakona o izmjenama Zakona o raspodjeli javnih prihoda u Federaciji BiH. Inicijativa za izmjenu zakona trajala je dugo, a posljednja izmjena bila je prošle godine (Službene novine Federacije BiH, broj 35/14 /9.5.2014./) iako i dalje bez postignutog olakšanja i pravednosti za jedinice lokalne samouprave.

„Vrlo je izvjesno da će se nastaviti sa inicijativama dok ne dođe do odgovarajućih izmjena koje će općine dovesti do statusa koji im po Evropskoj povelji o lokalnoj samoupravi i pripada. U ovaj proces uključene su sve općine u Federaciji BiH, s obzirom na činjenicu sa je Savez u skladu sa Zakonom o principima lokalne samouprave u Federaciji BiH zakonski zastupnik svojih članica pred višim nivoima vlasti, a u svom članstvu okuplja sve jedinice lokalne samouprave iz Federacije BiH“, kaže Travljanin.

Raspodjela sredstava uređena je Zakonom o raspodjeli javnih prihoda u FBiH, gdje se sa jedinstvenog računa sredstva prenose i raspodjeljuju između korisnika u Federaciji BiH, po posebnim proračunima.

„Dio toga prihoda pripada općinama i on se raspoređuje po posebnoj formuli, tako da Federaciji BiH pripada iznos od 36,2 posto, kantonima 51,48 posto, općinama 8,42 posto i Direkciji za ceste 3,9 posto. U razvijenim zemljama npr. Švedskoj potpuno je obrnuta situacija, te najveći iznos dobijaju općine. Svake godine u Službenim novinama objavljuju se novi koeficijenti za općine na osnovu kojih se vrši raspodjela između njih“, kaže Travljanin.

Savez nije bio upućen u finansijske zahtjeve koji su išli prema MMF-u, ali je uredno obaviješten onda kada kredit treba vraćati. Ovaj problem je detektiran početkom otplate kredita MMF-u kada je došlo do umanjenja pripadajućih prihoda općinama, a zbog otplate sredstava koja nisu ni koristile. Važno je napomenuti da su po Zakonu o principima lokalne samouprave viši nivoi vlasti dužni obavijestiti SOGFBiH u slučaju značajnijih izmjena koje se tiču općina ali se to u praksi ne sprovodi.

Savez općina i gradova FBiH pokrenuo je aktivnosti protiv federalnih institucija kojim želi postići izuzeće jedinica lokalne samouprave od otplate duga MMF-u, jer u njegovom trošenju ne učestvuju, niti ga koriste. Problem je što otplata vanjskog duga počinje i prije nego što sredstva budu doznačena u budžet Federacije BiH, tako da općine vraćaju onaj dio duga koji nisu ni dobile. SOGFBiH potražuje više od 18 miliona KM samo iz 2013. godine.

Piše Emina Alihodžić Šojko (Business magazine, br. 207: 42-45)

Savez općina i gradova FBiH (SOGFBiH) nedavno je pokrenuo aktivnosti kako bi zaustavio nepravdu koja posljednjih godina prolazi nezapaženo, a štetu plaćaju jedinice lokalne samouprave. Naime, nadaleko je poznato zaduživanje FBiH kod Međunarodnog monetarnog fonda kojim se popunjavaju budžetske rupe, što je posljedica nesavjesnog i

„...Savez po opomeni pred tužbu potražuje iznos od 18.202.182,00 KM tj. dio udjela općina u javnim prihodima FBiH samo za 2013. godinu za koji su oštećene. Ukoliko ne dođe do pozitivnog odgovora, Savez će tužiti Vladu Federacije BiH i za ostale godine te će iznos biti puno veći.“

Na gubitku oko 40 miliona KM

Zbog problema uzrokovanih načinom zaključivanja kreditnog aranžmana sa MMF-om u koji jedinice lokalne samouprave nisu uključene, a pri tome se ova kreditna sredstva ne koriste za potrebe finansiranja općina i gradova u FBiH, SOGFBiH je pomenute aktivnosti vraćanja duga pokrenuo posredstvom advokata koji zastupa njihove interese.

„Negativne posljedice u vidu umanjenja pripadajućih sredstava jedinicama lokalne samouprave traju već četiri godine. Na ovaj način i u tom vremenskom periodu sredstva jedinica lokalne samouprave umanjena su u iznosu višem od 40 miliona KM, po osnovu povrata kredita, kojim se općine i gradovi nisu zaduživali, niti su ih koristili“, u izjavi za *Business magazine* kaže Ismet Velić, advokat Saveza općina i gradova FBiH.

Zakon o raspodjeli javnih prihoda u FBiH, između ostalog, uređuje način podjele sredstva sa jedinstvenog računa prihoda od indirektnih poreza koja pripadaju Federaciji BiH i ovo se vrši prema utvrđenoj formuli.

„Problem u vezi sa ovim predstavlja činjenica da se u skladu sa odredbama *Zakona o sistemu indirektnog oporezivanja u BiH*, sredstva koja od prihoda od indirektnih poreza pripadaju Federaciji BiH direktno sa jedinstvenog računa odvajaju za otplatu vanjskog duga i tu otplatu vrši Ministarstvo finansija i trezora BiH. Dakle, iz sredstava koja pripadaju FBiH, uključujući pri tome i dio koji pripada jedinicama lokalne samouprave, vrši se otplata vanjskog duga prije nego što ona budu doznačena u budžet Federacije BiH. Na ovaj način sredstva jedinica lokalne samouprave su umanjena, a izostaje sravnjavanje unutar Federacije BiH i povrat umanjenog iznosa. Kada se u vidu imaju navedene činjenice, umanjenja sredstava općina i gradova, odnosno plaćanja dugova Federacije BiH njihovim sredstvima, neupitna je obaveza povrata, odnosno naknade tih sredstava“, kaže Velić.

Zakon o raspodjeli javnih prihoda u FBiH ne predstavlja smetnju da Federacija BiH vrati ono što duguje, niti zakon može nametnuti nekom da izmiruje obaveze koje nema, odnosno da plaća dugove koji nisu njegovi. Prema tome, nema zakonske smetnje da FBiH općinama i gradovima vrati ono što duguje, štaviše u skladu sa zakonom to je obavezna da učini.

„Ukoliko nadležni organi Federacije BiH smatraju da je neophodno da ovaj postupak posebno preciziraju izmjenama tog zakona, donošenjem podzakonskih propisa ili na drugi način, onda nema smetnje da to i učine. *Savez općina i gradova FBiH* nema ništa protiv pomenutih aktivnosti i rješenja, te je spreman da učestvuje u aktivnostima pripreme izmjena postojećih i donošenja novih propisa, ukoliko bi te izmjene riješile probleme i uredile ovu oblast na pravilan, racionalan i korektan način. Ono što *Savez* zahtijeva jeste da se ne zadire u prava jedinica lokalne samouprave, da se nezakonito ne umanjuju i ne uzimaju sredstva koja im pripadaju, te da Federacija BiH vrati ono što do sada duguje. Ako u te svrhe postoji i potreba da se propisi mijenjaju, onda to treba i učiniti“, napominje Velić.

Problem zapravo nastaje onda kada otplata vanjskog duga počne i prije nego što sredstva budu raspodijeljena, a tek onda se preostali novac raspoređuje na kantone, općine i Direkciju za ceste po procentu utvrđenom *Zakonom o raspodjeli javnih prihoda u Federaciji BiH*, tako da općine i gradovi FBiH vraćaju iznos koji nisu ni dobili.

Do problema ne bi ni došlo kada bi novac predviđen općinama i gradovima FBiH bio proslijeđen odmah po dobivanju ovih sredstava, što je i jedino ispravno u ovom slučaju. Stoga je *Savez* u opomeni pred tužbu i pomenuo da se mora prekinuti sa dosadašnjom praksom jer se *Vlada Federacije BiH* nastavlja zaduživati kod MMF-a.

Trend zaduživanja

BiH u posljednje vrijeme ima veoma izražen trend zaduživanja kod međunarodnih finansijskih institucija, čime se zadužuju država BiH i entiteti, a u FBiH je taj nivo finansijskih sredstava od MMF-a došao do nivoa kantona.

„Općine i gradovi u Federaciji BiH, kojih je 80, nisu učestvovali u zaduživanju kod međunarodnih finansijskih institucija u korištenju tih sredstava. Smatramo da je nivo tog zaduženja koje je došlo do nivoa općina nešto manji od jedan posto, a općine učestvuju u vraćanju tog duga između

nih prihoda u Federaciji BiH. Inicijativa za izmjenu zakona trajala je dugo, a posljednja izmjena bila je prošle godine (Službene novine Federacije BiH, broj 35/14 /9.5.2014./) iako i dalje bez potpunog oblaštavanja i pravednosti za jedinice lokalne samouprave.

„Vrlo je izvjesno da će se nastaviti sa inicijativama dok ne dođe do odgovarajućih izmjena koje će općine dovesti do statusa koji im po *Evropskom povelji* o lokalnoj samoupravi i pripada. U ovaj proces uključene su ove općine u Federaciji BiH, s obzirom na činjenicu da je *Savez* u skladu sa *Zakonom o principima lokalne samouprave u Federaciji BiH* zakonski zastupnik svojih članica pred višim nivoima vlasti, a u ovom članstvu okuplja sve jedinice lokalne samouprave iz Federacije BiH“, kaže Travljanin.

Savez nije bio upućen u finansijske zahtjeve koji su BiH prema MMF-u, ali je uredno obaviješten onda kada kredit treba vratiti. Ovaj problem je detektiran početkom otplate kredita MMF-u kada je došlo do umanjenja pripadajućih prihoda općinama, a zbog otplate sredstava koja nisu ni



IZVORI: HERCEGOVINA

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Problem zapravo nastaje
onda kada otplata

vanjskog duga počne i prije
nego što sredstva budu
raspodijeljena, a tek onda
se preostali novac
raspoređuje na kantone,
općine i Direkciju za ceste
po procentu utvrđenom
*Zakonom o raspodjeli
javnih prihoda u Federaciji
BiH*, tako da općine i
gradovi FBiH vraćaju iznos
koji nisu ni dobili.



Potrebna reforma kriterija za raspodjelu sredstava, kaže Alagić

sedam i osam posto ukupnog duga. To se u posljednje vrijeme izražava značajno u likvidnosti općinskih budžeta što ih dovodi u velike probleme. Nažalost, bojim se da će se taj trend nastaviti i dalje ako se ovo društvo i država budu dalje zaduživali“, kaže Ismar Alagić, predsjednik Komisije za međunarodne veze, saradnju i evropske integracije SOGFBiH, posebno naglasivši da je potrebna temeljita reforma u smislu kriterija raspodjele finansijskih sredstava. Dosadašnji kriteriji koji su se odnosili na veličinu općine, broj stanovnika i broj učenika u školama sigurno nisu primarno ekonomske, nego sociološko demografske prirode, a značajno mjesto treba da zauzimaju kriteriji koji se odnose na ekonomske rezultate. Taj

proces je prisutan svugdje u svijetu tj. da onaj koji daje i koji najviše doprinosi očekuje da mu se dio sredstava po tom osnovu vraća nazad.

Efikasno sredstvo zaštite

„Ukoliko bi se ukupna sredstva koja se prikupe raspodijelila između subjekata kojim pripadaju prije izmirenja obaveza entiteta, problem ne bi ni postojao. Nakon toga svako bi sa sredstvima koja mu pripadaju rješavao i obaveze po osnovu duga koji je sam napravio. Upravo to jedinice lokalne samouprave i zahtijevaju da svako plaća svoj dug, a nikako da neko dugove plaća tuđim sredstvima. Međutim, taj način plaćanja vanjskog duga prije raspodjele sredstava je odgovarajuće i efikasno sredstvo zaštite inozemnih kreditora. Na ovaj način kreditori odmah, prije svih ostalih i prije raspodjele naplate svoj dug. S obzirom na ovo pitanje je koliko je realno da se taj način promijeni, odnosno da inozemni kreditori ostanu bez tog izuzetno efikasnog sredstva zaštite. Savez općina i gradova FBiH, odnosno njegove članice nisu u ovom dijelu isključivi, samo traže korektan i zakonit odnos prema obavezama, pa ukoliko se njihovim sredstvima plaća dug Federacije BiH, onda je u najmanju ruku realno i osnovano očekivati da im Federacija BiH nadoknadi, odnosno vrati sredstva kojim se na ovaj način poslužila da sanira vlastite obaveze“, kaže Velić.

Odgovor koji su za sada dobili od Vlade FBiH jeste da je Federalno ministarstvo finansija, sa Federalnim pravobranilaštvom zaduženo da pripremi odgovarajući prijedlog u vezi sa zahtjevom Saveza općina i gradova FBiH. Međutim, najbolji, a ujedno najbezbolniji i najracionalniji način rješenja ovog problema jeste da Federacija BiH nadoknadi sredstva koja su jedinicama lokalne samouprave neosnovano umanjena, te da promijeni dosadašnju praksu tako da sama vraća vlastite dugove, kao i svi ostali subjekti. Naredni korak čije poduzimanje je u toku, jeste podizanje tužbe protiv Federacije BiH sa zahtjevom za isplatu iznosa koji duguju jedinicama lokalne samouprave.

Vraćanje duga po principu da ga treba vraćati onaj ko se zadužio podržava i Ante Krajina, federalni ministar finansija, te navodi da je izmjena propisa rješenje uz pomoć kojeg bi problemi jedinica lokalne samouprave bili riješeni.

„Nezadovoljstvo jedinica lokalne samouprave je razumljivo, iako se umanjenje iznosa na koje se one u ovom slučaju žale vrši na osnovu postojećih propisa u Federaciji BiH. Izmjena propisa je rješenje koje se samo nameće, ali Zakon o raspodjeli javnih prihoda nema smisla mijenjati dok ne budu poznati zvanični rezultati popisa sta novništva provedenog u Bosni i Hercegovini pošto je jedan od važnih kriterija za raspodjelu - broj stanovnika u pojedinim područjima. Dok još uvijek nemamo zvanične rezultate popisa stanovništva, taj proces faktički nema smisla, a nije bilo ni konsenzusa da bi se Zakon o pripadnosti javnih prihoda mogao izmijeniti“, ističe Krajina.

Pokrenute aktivnosti Saveza općina i gradova FBiH mogu dati rezultate jednokratno, ali kako se greške i propusti u ovoj oblasti ne bi ponavljali izmjena Zakona o raspodjeli javnih prihoda je neophodna. Više od 18 miliona nije mala svota, naročito kada se radi o jedinicama lokalne samouprave koje sa ovim novcem u svojoj zajednici mnoge stvari mogu poboljšati i unaprijediti. Uostalom, više nije ni bitno šta sve općine mogu uraditi s ovim novcem, bitno je da imaju puno pravo na svoj dio za koji su 'zakinute'.

Pratite Savez općina
i gradova FBiH na



Pratite Savez općina
i gradova FBiH na



"Ukoliko bi se ukupna sredstva koja se prikupe raspodijelila između subjekata kojim pripadaju prije izmirenja obaveza entiteta, problem ne bi ni postojao. Nakon toga svako bi sa sredstvima koja mu pripadaju rješavao i obaveze po osnovu duga koji je sam napravio..."

Vraćanje duga po principu da ga treba vraćati onaj ko se zadužio podržava i Ante Krajina, federalni ministar finansija, te navodi da je izmjena propisa rješenje uz pomoć kojeg bi problemi jedinica lokalne samouprave bili riješeni.

ČETIRI PROJEKTA MEĐUOPĆINSKE SARADNJE BIĆE FINANSIRANA SA 600.000 KM PUTEM PROJEKTA INTEGRISANOG LOKALNOG RAZVOJA

Četiri projektne inicijative međuopćinske saradnje u Bosni i Hercegovini izabrane su za finansiranje u okviru Projekta integrisanog lokalnog razvoja (ILDLP).

Od ukupno 40 općina koje su imale pravo učešća u javnom pozivu koji je trajao od 24. decembra/prosinca do 16. februara/veljače 2015. godine, pristiglo je 14 aplikacija sa projektnim prijedlozima ukupne vrijednosti 598,221.59 KM, od kojih je izabrano četiri.

Prvorangirani projekti koji su odobreni za finansiranje su **"Uspostava međuopćinske saradnje u sektoru poljoprivrede na području Grada Bijeljina i Opština Lopare i Ugljevik"**, realizator Grad Bijeljina, zatim **"Održivo upravljanje otpadom"**, realizator Općina Bosanska Krupa u saradnji sa općinama Bužim i Cazin, **"Unaprijeđenje i promocija turističke ponude u Općini Jajce i Opštini Mrkonjić Grad"**, realizator Općina Jajce i **"Razvoj plastičke proizvodnje pokretanjem međuopćinske saradnje općina V. Kladuša, S. Most i Ključ"**, realizator Općina Velika Kladuša.

"Opštine često imaju zajedničke interese, ali i dijele slične probleme koje puno efikasnije mogu rješavati zajedno. Međuopćinska saradnja je stoga dobro rješenje za poboljšanje postojećih usluga građanima", rekla je menadžerica ILDP projekta Aida Laković-Hošć i dodala da međuopćinska saradnja doprinosi jačanju ekonomskih uslova u pojedinim mikroregionima i poboljšanju poslovnog okruženja.

Provedba odobrenih projekata će početi u aprilu/travnju i trajati do novembra/studenog 2015. godine.

Vlada Švicarske putem ILDP-a sudjeluje sa 278,091.01 KM, dok su općine učesnice i drugi partneri u projektu osigurali 320,130.59 KM.

ILDLP je zajednička inicijativa Vlade Švicarske i UNDP-a koja se realizuje u saradnji sa Ministarstvom za ljudska prava i izbjeglice BiH, Federalnim ministarstvom pravde, Ministarstvom uprave i lokalne samouprave RS i oba saveza općina/općina i gradova.

Projekat radi na jačanju sistema strateškog planiranja na lokalnom nivou u BiH, doprinoseći realizaciji lokalnih razvojnih strategija i unaprijeđenju kvaliteta života građana.



KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

KONAČNA LISTA ODABRANIH OPĆINA/GRADOVA U PROJEKTU „ENERGETSKA EFIKASNOST U UDRUŽENJIMA OPĆINA“ KOJU IMPLEMENTIRA SAVEZ OPĆINA I GRADOVA FBiH I GIZ ORF

Savez općina i gradova FBiH dana 13.01.2015. godine raspisao je javni poziv općinama/gradovima za učešće u pilot projektu projektu „Energetska efikasnost u udruženjima općina“. U periodu do 3. februara /veljače 2015. godine, ukupno je pristiglo 21 aplikacija iz općina/gradova.

Tehnički tim (GIZ ORF, GIZ ekspert, SOGFBiH) je nakon evaluacije i verifikacije dostavljene dokumentacije donio konačnu listu odabranih općina/gradova za učešće u projektu „Energetska efikasnost u udruženjima općina“.

Cilj projekta je bio donošenje inovacija i novih pristupa u provedbi projekata energetske efikasnosti na lokalnom nivou.

Konačna lista odabranih općina/gradova:

- Kreševo, za projekat „Utopljavanje gasne sportske dvorane“
- Ilidža, za projekat „Izmjena drugog dijela fasadne stolarije na II OŠ u Hrasnici“
- Zenica, za projekat „Unaprijeđenje energetske efikasnosti u Studentskom Domu“

Odabrane općine/gradovi potpisuće pojedinačno ugovor o lokalnoj donaciji direktno sa GIZ ORF -om.

Projekat „Energetska efikasnost u udruženjima općina“ implementira GIZ ORF EE i Savez općina i gradova FBiH. U sklopu ovog projekta jača se uloga Saveza općina i gradova FBiH na polju pružanja usluga iz oblasti energetske efikasnosti i štednje energije. Jedan od paketa ovog projekta odnosio se na provedbu, najmanje jednog pilot projekta energetske efikasnosti.



Tehnički tim u posjeti Kreševu,
5.03.2015.



INTERVJU: AVDIJA KOVAČEVIĆ, NAČELNIK OPĆINE VAREŠ

15. mart/ožujak – Tražimo sistemsku i stratešku pomoć države, jer su pljačke i beskrupulozne privatizacije došle na naplatu, izjavio je, između ostalog, u intervjuu za Oslobođenje načelnik Općine Vareš Avdija Kovačević.

PIŠE: Mirza DAJIĆ



Avdija Kovačević, načelnik Općine Vareš

• Kako biste opisali Vareš danas?

- To je općina koja je pozicionirana na 42. kilometru sjeveroistočno od Sarajeva, općina koja ima 394 kvadratna kilometra, općina koja je po popisu iz 1991. godine imala 22.203 stanovnika, a bila je tada blizu da se svrsta u red razvijenih. To je općina koja je u to vrijeme zapošljavala 6.500 - 7.500 ljudi, koja je bila prepoznatljiva kao rudarsko mjesto, mjesto u kojem su dominirali rudari i majstori iz oblasti metalske industrije. To je nešto čega više nema. Naime, vjor rata ostavio je stravične i nenadoknadive posljedice na Vareš u svakom pogledu i današnja slika izgleda potpuno drugačije od onoga što sam rekao.

Hvala Poreskoj upravi

Prema nezvaničnim podacima, trenutno se u Varešu nalazi 9.556 stanovnika, od čega je, po našim slobodnim procjenama, 55 posto Bošnjaka naspram 45 posto Hrvata i Ostalih. Zaposlenost je vrlo mala, 1.509 osoba, dok je 1.301 nezaposlen. Suočeni smo sa jako velikim problemima.

• Pored svih problema, imali ste i blokadu općinskog računa?

- Deblokada računa ima svoj zakoniti put. Morali smo ispoštovati sve zakonom utvrđene obaveze da bismo bili deblokirani. Uradili smo rebalans budžeta i na rashodovnoj strani predvidjeli izmirenje obaveza za reprogram. S druge strane, morali smo obezbijediti kvalitetne kolaterale, imovinske hipoteke i u tom smislu ispunili u cijelosti obaveze koje nam je tražila Porezna uprava. Na koncu, čin potpisivanja ugovora je bio formalne naravi i bez obzira na prethodno, da nije bilo nesebične pomoći Sabine Pašić, direktorice kantonalnog ureda Porezne uprave Zenica, i Midhata Arifovića, direktora Porezne uprave FBiH Sarajevo, teško da bismo uspjeli. Hvala im na korektnoj i konkretnoj pomoći Općini.

• Do blokade općinskog računa došlo je zbog duga od dva miliona maraka od 2002. do 2008. godine. Na koji način će se otplaćivati dug?

- Budžet Vareša za 2015. iznosi 2,8 miliona maraka. Protokolom sa Poreznom upravom od 26. februara utvrđeno je da su doprinosi iz i na plaću, porez na plaću i dodatna primanja, porez na dohodak i drugo 1.596.197,76 KM. Troškovi prinudne naplate su 143.571,68 KM, kamata po sporazumu (avansna kamata) 2.121.943,85 KM, kamata po sporazumu u iznosu (zatezna kamata po glavnici iz stava i - jedan, ovoga pregleda) 574.077,54 KM.

Ukupan dug javnih prihoda poreznog obveznika, dužnika Općine Vareš iznosi 4.435.790,83 KM. Sporazum o plaćanju dužnih javnih prihoda u ratama potpisan je na pet godina, odnosno na 60



Vareš panorama

jednakih mjesečnih rata i prva rata stiže na naplatu 25. marta od 64.631,89 KM. Sve ovo, prevedeno na jezik svakodnevnice, znači kliničku smrt za Općinu Vareš i ovo je posljedica užasno loših politika vođenih unutar jedinstvenog općinskog organa Vareša, počev od 1. januara 1996. do dana današnjeg.

"Jedino rješenje je da nam u pomoć pritekne država i da uzmemo jeftin dugoročni kredit na najmanje 15 godina kako bismo sanirali obaveze prema dobavljačima, uključujući i Poreznu upravu..."



Grb Općine Vareš

Budžet Vareša će ove godine imati stravične udare i gotovo je pa nemoguće ispoštovati ga u onim gabaritima u kojima je donesen. Udari će biti na grantove za pomoć udruženjima građana, grantove za rad mjesnih zajednica i sva druga kapitalna ulaganja će biti obustavljena do daljnjeg. Sve stavke na rashodovnoj strani budžeta morat će biti dramatično smanjene i bez konkretne pomoći viših nivoa vlasti, na prvom mjestu Vlade ZDK-a i Vlade FBiH, mi ćemo funkcionisati u nemogućim uslovima.



Željezara Vareš iz starih razglednica

Jedino rješenje je da nam u pomoć pritekne država i da uzmemo jeftin dugoročni kredit na najmanje 15 godina kako bismo sanirali obaveze prema dobavljačima, uključujući i Poreznu upravu, mislim na sporazum o reprogramu, jer bismo bili oslobođeni plaćanja dijela zateznih kamata i napravili bismo jak investicioni ciklus iz kojeg bismo na najmanje pet do sedam godina uposlili građevinsku operativu Općine. Uz povrat sjedišta preduzeća JP ŠPD ZDK-a u Vareš i vraćanjem dijela neto dobiti preduzeća na mjesto nastanka, dakle u Vareš, mi se, dugoročno gledajući, teško možemo kutarisati krize koja nam je došla na naplatu kao posljedica pljačkaške i beskrupulozne privatizacije, provedene zaključno sa 2007. godinom, formiranjem JP ŠPD ZDK-a sa sjedištem u Zavidovićima. To je za posledicu imalo odliv neto dobiti iz PJ Šumarija Vareš u zadnje tri godine prosječno po million KM godišnje, segregacijskom odnosu prema našim građanima kada je u pitanju liječenje u KCU Sarajevo, gdje je građanima Vareša zapriječeno, a građanima Olova omogućeno liječenje. Na ovaj način se više od hiljadu ljudi fiktivno odjavilo iz Vareša i prijavilo se u rubnim općinama Sarajevskog kantona kako bi moglo uživati benefite kojih u ZDK-u nema.

• **Na prvoj ovogodišnjoj sjednici OV-a ponudili ste ostavku zbog blokade računa. Šta se na kraju desilo?**

- Ostavku na mjesto načelnika, kao čin moralne, materijalne i krivične odgovornosti podnio sam 21. januara i ona je zadokumentovana. Očekujem, bez obzira na to što nije nadležno, da se Općinsko vijeće o njoj očituje na martovskoj sjednici. Sa relevantnim političkim faktorima iz Vareša, Kantona, FBiH i Predsjedništva BiH postigao sam džentlmenški dogovor o tome da ukoliko se ne konkretizuje sistemska i strateška pomoć Varešu u roku od četiri mjeseca, a to je do 20. maja, definitivno ću ostavku u cijelosti formalizirati u skladu sa Izbornim zakonom BiH i proslijediti je Centralnoj izornoj komisiji BiH na usvajanje i daljnji postupak. To u konačnici znači da će CIK morati da prihvati ostavku i u općini Vareš raspiše vanredne izbore za općinskog načelnika.

Apotekarska vaga

Sebe smatram ozbiljnim čovjekom, oženjen sam suprugom Sabinom, imam tri prekrasne kćerke i onedavno i unučicu i nije mi do političke avanture. Ja sam 25 godina intenzivno u politici i bilo je i uspona i padova, ali ako bi se napravila kvalitetna apotekarska vaga, mnogi poznanici, prijatelji i komšije kažu da bi u dobrom dijelu prevagnula dobra djela u odnosu na loša. Ne želim niti hoću da budem načelnik samo zato da me neko tako zove ako ne mogu izvršavati ustavnu i zakonom propisanu zadaću. U konstelaciji sadašnjih političkih i fiskalnih odnosa unutar države BiH, ne postoji intelektualni niti stručni ljudski kapacitet koji može izvući Vareš iz krize. Može, ali zato treba uraditi slijedeće reformske-sanacione mjere. Treba rekonstruisati organ uprave Općine i osloboditi se viška uposlenika, obezbijediti jeftin i dugoročan investicioni kredit kako bi se uposlila kompletna građevinska operativa i na taj način stvorila nova tržišna vrijednost, implementirale odredbe Evropske povelje o lokalnoj samoupravi i Zakona o principima lokalne samouprave u dijelu koji nam daje za pravo da mi upravljamo i gazdujemo javnim dobrima u našoj općini, omogućilo nesmetano liječenje građana Vareša u KC-u Sarajevo, Tuzli, Mostaru, Zenici, Novoj Biloj, odnosno gdje god ko hoće, jer bismo na taj način vratili u Vareš fiktivno odjavljenih 1.700 građana.

**KORISNI LINKOVI ZA
PREDPRISTUPNE FONDVE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

“Ostavku na mjesto načelnika, kao čin moralne, materijalne i krivične odgovornosti podnio sam 21. januara i ona je zadokumentovana. Očekujem, bez obzira na to što nije nadležno, da se Općinsko vijeće o njoj očituje na martovskoj sjednici.”



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova Federacije Bosne i Hercegovine na



Pratite Savez općina i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBUKE IZ JAVNO-PRIVATNOG PARTNERSTVA

U okviru Sistema obuke za jedinice lokalne samouprave tokom mjeseca aprila/travnja Savez općina i gradova FBiH će održati obuke na temu „Razvoj javno – privatnog partnerstva u jedinicama lokalne samouprave.“

Obuke su jednodnevne, a namijenjene su, prije svega izabranim zvaničnicima – vijećnicima, s tim da je omogućeno učešće i načelnika i državnih službenika.

Primaran cilj obuke jeste pomoći izabranim zvaničnicima u procjeni mogućnosti razvijanja JPP kao oblika podsticaja u razvoju i zapošljavanju u JLS. Cilj je pomoći u unaprijeđenju funkcije upravljanja imovinom i sredstvima JLS i aktivno uključivanje u proces kreiranja novih prihoda za JLS zasnovanim na komparativnim prednostima i mogućnostima JPP.

Tokom obuke, učesnici će se upoznati sa relevantnim zakonskim okvirom koji uređuje ovu oblast, zatim, upoznat će se sa strategijom i procedurama ugovaranja JPP, različitim modalitetima izbora JPP i razmijeniti iskustva u ovoj oblasti.

Predavač na obuci je dr Željko Rička, vanredni profesor na Ekonomskom fakultetu Univerziteta u Zenici, a obuke će se održati u četiri regionalna lokaliteta za obuku, i to:

- **Bosanski Petrovac**, 10.04.2015. za učesnike iz općina: Bihać, Bosanska Krupa, Bosanski Petrovac, Bosansko Grahovo, Bužim, Cazin, Dobretići, Drvar, Jajce, Ključ, Sanski Most i Velika Kladuša.
- **Tomislavgrad**, 13.04.2015., za učesnike iz općina: Čapljina, Čitluk, Mostar, Neum, Prozor-Rama, Ravno, Stolic, Glamoč, Jablanica, Konjic, Kupres, Livno, Grude, Ljubuški, Posušje, Široki Brijeg i Tomislavgrad.
- **Tuzla**, 20.04.2015., za učesnike iz općina: Banovići, Čelić, Doboš Istok, Doboš Jug, Domaljevac – Šamac, Gračanica, Gradačac, Kalesija, Kladanj, Lukavac, Maglaj, Odžak, Olovo, Orašje, Sapna, Srebrenik, Teočak, Tešanj, Tuzla, Usora i Živinice.
- **Vitez**, 23.04.2015., za učesnike iz općina: Breza, Bugojno, Busovača, Centar Sarajevo, Dobretići, Donji Vakuf, Fojnica, Goražde, Gornji Vakuf-Uskoplje, Hadžići, Ilidža, Ilijaš, Kakani, Kiseljak, Ključ, Kreševo, Novi Grad Sarajevo, Novi Travnik, Novo Sarajevo, Pale-Prača, Sarajevo Grad, Stari Grad Sarajevo, Travnik, Trnovo, Foča-Ustikolina, Vareš, Visoko, Vitez, Vogošća, Zavidovići, Zenica, Žepče.

